

»In papilla, auspicatae Amoris urnae aequiparanda, | o progenies Yaduida- Cant. 24.
rum, adumbra manu, Santali pulvere frigidior, | circulum musco figuratum« ita 18.
loquuta est illa, dum lusitabat progenies Yaduidarum, animorum delicia.

»Collyrium, apum colorem despiciat, tuorum labiorum suaviatone nigri- 19.
tiei orbem, reinstaura, o amate, in oculis, iaculatoribus sagittarum Cupidinis«
ita loquuta est illa, dum lusitabat progenies Yaduidarum, animorum delicia.

»In orbibus aurium, | oculorum ceu dorcadum errationi | libenter manifestatae 20.
finem imponentibus, | stabili, o venusto amictu indute, inauria, quae reticula
Amoris pendula imitantur« ita loquuta est illa, dum lusitabat progenies Yadi-
darum, animorum delicia.

»Circa vultum meum, nymphaea pulcriorem, immaculatum, gaudia excitant- 21.
tantem, tibi arridentem, adorna nodos, sempiternae nitidos, | gregem apum insu-
per exhibentes« ita loquuta est illa, dum lusitabat progenies Yaduidarum, ani-
morum delicia.

»In frontis luna, | guttis fatigationis abstersis, | pinge, o tu, qui vultum geris 22.
nymphaeae similem, | signum musci fuco laetum, tanquam maculam interlunii«
ita loquuta est illa, dum lusitabat progenies Yaduidarum, animorum delicia.

»Innecte, o honorifice, flores | cincinnis meis splendidis, | pulcris, | voluptate 23.
dissolutis, cauda pavonis | super imminente gestientibus, | ceu flabellis vexillorum
Amoris« ita loquuta est illa, dum lusitabat progenies Yaduidarum, animorum
delicia.

»Cinge, o magnanime, femora mea pulcra, amorifera, turgida, | quasi cortes 24.
elephantum ceu Amoris, obstacula frangentis, | ornamentis indusii, | zonaeque gem-
meae« ita loquuta est illa, dum lusitabat progenies Yaduidarum, animorum delicia.

»Pii Jayadêvae sermoni | victorioso, ornatissimo | quo franguntur aerumnae 25.
ex huius aevi sordibus oriundae, qui ambrosia recordationis facinorum ab Hare
gestorum repletus est, | fave animo liberali« ita loquuta est illa, dum lusitabat
progenies Yaduidarum, animorum delicia.

»Figuris adorna papillas, pingere signa in fronte, cinge femora zona, comas 26.
abundantes honora corona, infige ulnis seriem armillarum, compedes pedibus
imponere« hoc rogatus amasius, licet divorum is esset unus, ita fecit.

Tueatur vos Hares, cuius insignia maiestatis | revolvuntur quasi imaginibus, 27.
multitudine gemmarum | in crista serpentis principalis, cubilis sui, | radiantium re-
percussis; qui quasi multiplicavit semetipsum, ordinem corporum alternando,